

住蓬山洞  
口有桃花

臨瀑亭在安肅縣遂城北極觀東元延祐時建今圯遂城北墉

又有六郎亭爲八景之一

乾坤北海亭在定興縣東南十五里江村明鹿善繼繼講學之所

大清一統志 數椽結茅不髹不繪園蔬幾色灌木兩行天啟時璫禍

起善繼以館海內清流投止者茅元儀題曰北海亭作記戴明

說加乾坤二字

茅元儀北海亭記有亭巋然在江村草堂之後而知止居之傍覆以茨塗以堊棟柱檼楹以及薄櫨栳櫨靡不曲弱不中程檣攢以爲垣僅僅蔽風雨而長江大河之南北靡不仰而頌曰此北海亭也創於侍御公以之訓伯順寒暑燥濕於是者三十年成進士去伯順又以誨其子石卿石卿寒暑燥濕於是者又幾三十年舉天啟辛酉畿內第一人當吾鄉魏子孔時爲行人時嘗策蹇訪伯順於江村館於是時有唱和吟詠傳於時是時石卿猶爲諸生伯順亦卽民部及石卿膺鄉薦伯順同余參高陽公軍事石卿往來於遼亭遂官無人而行爲給事中數年矣逮於璫其子

保定府志

卷四十一

古蹟錄 舊遺址

三

子敬行乞過伯順伯順之太公復館之於是子敬日夜號  
太公爲不食也而所逮左中丞之弟若子亦繼館焉伯順  
抗時歸周吏部之客朱生以吏部逮過謀於伯順亦館焉  
當是時璫有最暱豎後雉以殉者曰李朝欽家亭之左不  
數百武而司調事凡諸君子之逮皆有力焉惡其庇之者  
屢欲以中伯順而天竟弗與也使璫禍猶未解無論張儉  
之壁終破北海覆巢豈待孟德哉余幸不死於璫而爲頌  
璫者所厄復偃於其中者三載嘗爲范陽烈士詠有曰奮  
腕招義徒傾家競相從張儉徒壁藏箕踞笑孔融轡車東  
出門纍囚已及宮張儉徒一人孔融易爲功天下之頌北  
海亭者其歌之

茅元儀詩忍見霜管照碧銅雙顰猶暈昔時紅又將楚紀  
懸牛角謾說天漿下馬鬢士論不煩推怒虎我悲垂老載  
非熊莫言憂患終間  
適雞塞壇高憶此中

紫泉亭舊在新城縣西北隅城垣上創建無考明景泰四年移

建儒學明倫堂後改名文會亭

金張仲陽紫泉亭詩西風禾黍半蒼黃滿眼秋  
山冷翠長一片白雲携雨去人家籬落半斜陽

雲錦亭在安州城東南隅金郡守完顏安遠建下臨清溝荷渠